

RAPÒRT 19/2019

ELECCIONS
ATH CONSELH
GENERAU
D'ARAN DER
AN 2019



SINDICATURA
DE COMPTES
DE CATALUNYA

RAPÒRT 19/2019

**ELECCIONS
ATH CONSELH
GENERAU
D'ARAN DER
AN 2019**

Edicion: gèr de 2020

Document electronic etiquetat entà persones damb incapacitat visuau

Pagines en blanc inserides tà facilitar era impressio a dobla cara

Autor e editor:

Sindicatura de Compdes de Catalonha
Via Laietana, 60
08003 Barcelona
Tel. +34 93 270 11 61
sindicatura@sindicatura.cat
www.sindicatura.cat

Publicacion subjècta a depaus legau d'acòrd damb çò que prevé eth Reiau decret 635/2015, deth 10 de junhsèga

MANEL RODRÍGUEZ TIÓ, secretari generau dera Sindicatura de Compdes de Catalonha,

CERTIFIQUI:

Qu'en Barcelona, eth dia 10 de deseme de 2019, reünit eth Plen dera Sindicatura de Compdes, jos era presidéncia deth sindic major, Jaume Amat i Reyero, damb era assisténcia des sindic Jordi Pons i Novell, Miquel Salazar Canalda, Joan-Ignasi Puigdollers i Noblom e Emma Balseiro Carreiras, en tot actuar-i coma secretari eth secretari generau dera Sindicatura, Manel Rodríguez Tió, e coma ponent eth sindic major, Jaume Amat i Reyero, damb deliberacion prealabla s'acòrde aprovar eth rapòrt de fiscalizacion 19/2019, relatiu as eleccions ath Conselh Generau d'Aran der an 2019.

E, entà qu'atau cònste e age es efèctes que corresponen, signi aquest certificat, damb er assentiment deth sindic major.

Barcelona, 10 de deseme de 2019

[Signatura]

Assentiment
Eth sindic major

[Signatura]

Jaume Amat i Reyero

ENSENHADOR

ABREVIACIONS.....	8
1. INTRODUCCION	9
1.1. RAPÒRT.....	9
1.1.1. Objècte e portada	9
1.1.2. Metodologia.....	9
1.1.3. Norma aplicable	10
2. FISCALIZACION REALIZADA.....	10
2.1. ASPÈCTES GENERAUS DERA FISCALIZACION	10
2.2. RESULTATS ELECTORAUS	13
2.3. SUBVENCIONS ELECTORAUS	13
2.3.1. Montant maximau dera subvencion	13
2.3.2. Auançament des subvencions	14
2.4. DESPENSES ELECTORAUS.....	16
2.4.1. Limit de despenses entà operacions ordinàries e remesa electorau subvencionable	16
2.4.2. Sublimits de despenses ordinàries	16
2.5. REGULARITAT DES COMPDABILITATS ELECTORAUS.....	17
2.5.1. Unitat d’Aran – Partit dels Socialistes de Catalunya – Candidatura de Progrés	17
2.5.2. Convergència Democràtica Aranesa – Partit Nacionalista Aranés	20
2.6. SUBVENCIONS AS ELECCIONS ATH CONSELH GENERAU D’ARAN DETH 24 DE MAI DETH 2015.....	24
2.7. EVOLUCION DES DESPENSES ELECTORAUS E DES SUBVENCIONS DES ANS 2011, 2015 E 2019	24
3. CONCLUSIONS	25
3.1. OBSERVACIONS	25
3.2. RECOMANACION.....	26
4. TRAMIT D’ALLEGACIONS.....	27
4.1. ALLEGACIONS RECEBUDES.....	27
4.2. TRACTAMENT DES ALLEGACIONS	30

ABREVIACIONS

CDA-PNA	Convergència Democràtica Aranesa – Partit Nacionalista Aranés
DAERIT	Departament d'Accion Exteriora, Relacions Institucionaus e Transparència
LOREG	Lei organica 5/1985, deth 19 de junh, deth regim electorau generau
PRAG	Partit Renovador Arties-Garòs
UA-PSC-CP	Unitat d'Aran – Partit dels Socialistes de Catalunya – Candidatura de Progrés

1. INTRODUCCION

1.1. RAPÒRT

1.1.1. Objècte e portada

Era Sindicatura de Compdes, coma organ fiscalizador deth sector public de Catalonha, d'acòrd damb era norma en vigor e en compliment deth sòn Programa annau d'activitats, emet aquest rapòrt de fiscalizacion des eleccions ath Conselh Generau d'Aran que se debanèren eth 26 de mai deth 2019.

Aquest rapòrt s'emèt en tot tier en compde çò que dispausen es articles 133 e 134 dera Lei organica 5/1985, deth 19 de junh, deth regim electorau generau (LOREG) e er article 6 deth Decrèt 75/2019, deth 26 de març, que regule es subvencions e eth contraròtle dera compdabilitat electorau enes eleccions ath Conselh Generau d'Aran deth 2019.

Er objècte d'aquest rapòrt ei prononciar-se a prepaus dera regularitat des compdabilitats electoraus presentades pes formacions politiquas qu'an obtengut representacion ath Conselh Generau d'Aran e, en cas d'apreciar-i irregularitats, prepausar era non adjudicacion o era reduccion dera subvencion electorau.

1.1.2. Metodologia

Eth trabalh de fiscalizacion des compdabilitats electorau s'a amiat a tèrme laguens deth quadre normatiu des procèssi electoraus e d'acòrd damb es principis e normes internacionaus de fiscalizacion deth sector public generaument acceptadi e a includit totes aqueres pròves, de compliment e substantives, que s'an considerat de besonh entà obtier evidències sufisentes e avientes entà poder exprimir es conclusions que s'expausen laguens deth rapòrt.

En causa que Catalonha non dispause d'ua lei electorau pròpria, en tot tier en compde çò qu'establiessen era LOREG e eth Decrèt 75/2019, deth 26 de març, e entà omogeneïzar era interpretacion des obligacions legaus d'entrades e despenses electoraus e establir quines irregularitats poden originar ua prepausa de reduccion dera subvencion electorau o era sua non adjudicacion, eth Plen dera Sindicatura deth 14 de mai deth 2019 aprovèc era Instruccion entara fiscalizacion dera compdabilitat electorau des eleccions ath Conselh Generau d'Aran deth 26 de mai deth 2019.

Ua revision complèta des despenses e des entrades electoraus des diuèrses formacions politiquas objècte deth trabalh exigirie ua fiscalizacion de tota era activitat economico-financèra ordinària des formacions politiquas, que non ei objècte d'aquest rapòrt de fiscalizacion e supause alavetz ua limitacion dera portada.

1.1.3. Norma aplicable

Es normes reguladores basiques des eleccions ath Conselh Generau d'Aran deth 2019 son es següentes:

- Lei organica 5/1985, deth 19 de junh, deth regim electorau generau (LOREG).
- Lei organica 8/2007, deth 4 de junhsèga, a prepaus deth finançament des partits politics.
- Lei 18/2010, deth 7 de junh, dera Sindicatura de Compdes de Catalonha.
- Lei 1/2015, deth 5 de hereuèr, deth regim especiau d'Aran.
- Lei organica 3/2015, deth 30 de març, de contraròtle dera activitat economico-financèra des partits politics, que modifique era Lei organica 8/2007, deth 4 de junhsèga, a prepaus deth finançament des partits politics, era Lei organica 6/2002, deth 27 de junh, de partits politics, e era Lei organica 2/1982, deth 12 de mai, deth Tribunau de Compdes.
- Decrèt 73/2019, deth 26 de març, de convocacion d'eleccions ath Conselh Generau d'Aran.
- Decrèt 74/2019, deth 26 de març, de normes complementàries entara realizacion des eleccions ath Conselh Generau d'Aran deth 2019.
- Decrèt 75/2019, deth 26 de març, que regule es subvencions e eth contraròtle dera comptabilitat electorau enes eleccions ath Conselh Generau d'Aran deth 2019.
- Acòrd deth Plen dera Sindicatura de Compdes de Catalonha deth 14 de mai deth 2019 relatiu ara instruccion entà contrarotlar era comptabilitat electorau des eleccions ath Conselh Generau d'Aran, publicat en *Diari Oficial de la Generalitat de Catalunya* deth 23 de mai deth 2019.

2. FISCALIZACION REALIZADA

2.1. ASPÈCTES GENERAUS DERA FISCALIZACION

Es aspèctes qu'era Sindicatura a tengut en compde entà verificar eth compliment dera norma aplicabla an estat es següenti:

Verificacions formaus

- Era comptabilitat electorau se deu presentar ara Sindicatura de Compdes entre es cent e cent-vint-e-cinc dies posteriors as eleccions d'acòrd damb er article 133 dera LOREG.

- Era comptabilitat electoral se deu cau presentar per mejan dera sedença electronica dera Sindicatura de Compdes e d'acòrd damb çò que dispause era Instruccion entà contrarotlar era comptabilitat electoral des eleccions ath Conselh Generau d'Aran.
- Era documentacion comptable e justificativa deu èster corrèctament formalizada e deu presentar coeréncia intèrna.
- Totes es candidatures deuen auer un administrador electoral responsable de toti es entrades e despenses dera candidatura e dera sua comptabilitat.

Recorsi dera campanha electoral

- Es administradors deuen comunicar ath Conselh Electoral es compdes dauridi entara percepcion de hons. Toti es hons destinadi a corbir despenses electoraus, sigue quina sigue era procedéncia, se deuen entrar en aguesti compdes.
- Els Titulars des apòrts des hons deuen èster identificadi.
- Cap persona fisica o juridica pòt hèr apòrt de mès de 10.000 €.
- No pòden auer-i apòrts de hons provienti d'organismes publics ne d'entrepreses vinculades ath sector public, a excepcion des subvencions electoraus nomentades en apartat 2.3 d'aguest rapòrt. Tanpòc pòden auer-i apòrts provienti de persones estrangères.
- Era subvencion electoral corresponent a cada formacion politica non pòt despassar eth montant des despenses electoraus realizades.

Despenses electoraus

- Es despenses electoraus se deuen auer efectuat entre eth dia dera convocacion des eleccions e eth dia dera proclamacion des elegidi, e an d'èster convenientament justificades.
- Era natura dera despesa electoral deu èster includida entre es concèptes següenti:
 - Confeccion d'envolòpes e bulletins electoraus.
 - Propaganda e publicitat dirèctament o indirèctament adreçada a promòir eth vòt as sues candidatures, sigue quina sigue era forma e eth mejan que s'utilize.
 - Loguèr de locaus entara realizacion d'actes electoraus.

- Remuneracions o gratificacions ath personau non permanent que rende es servicis as candidatures.
- Mejans de transpòrt e despenses de desplaçament des candidats, des dirigents des partits, associacions, federacions e coalicions e deth personau ath servici dera candidatura.
- Correspondéncia e afranquiment.
- Interèssi des credits recebudi entara campanha electorau.
- Es despenses que siguen necessàries entara organizacion e foncionament des burèus e servicis que calgue entàs eleccions.

Verificacion des limits de despensa

- Se deu respectar eth limit maximau de despenses electoraus des formacions politiques que concorren as eleccions.
- Se deuen complir es limitacions establides per çò qu'ei de despenses de publicitat exteriora e de publicitat en premsa periodica e emissores de ràdio.

Tresoreria de campanha electorau

- Es administradors electoraus an era obligacion de comunicar ath Conselh Electorau es compdes corrents dauridi entà collectar hons e entà efectuar es pagaments dera campanha electorau.
- Cau verificar eth compliment deth limit temporau sus era dispausicion des hons des compdes corrents. Un viatge acabada era campanha electorau solament se pòt dispausar des soldes d'aguesti compdes entà pagar es despenses electoraus contractades prealablament, enes nauanta dies següenti ath dera votacion.

Compliment per part de tresaus des obligacions previstes en article 133 dera Lei organica 5/1985, deth 19 de junh, deth regim electorau generau

- Es empreses qu'agen facturats despenses electoraus de mès de 10.000€ ac deuen comunicar as organs de contraròtle extèrn.
- Es entitats financères an era obligacion de comunicar as organs de contraròtle extèrn era concession de prèsti destinadi a despenses electoraus.

2.2. RESULTATS ELECTORAUS

Aran ei reconeishut per Estatut d'autonomia de Catalonha coma entitat territoriala singulara formada pera agropacion de sies circoscripcions, que corresponen as sies terçons istorics, damb personalitat juridica pròpria e plea capacitat e autonomia entara gestion des pròpis interèssi dera comunitat politica que represente, qu'exercís per mejan eth Conselh Generau d'Aran.

Eth Conselh Generau d'Aran ei integrat per tretze conselhèrs generaus elegidi per sufragi universau enes eleccions ath Conselh Generau d'Aran.

Cossent damb er Edicte deth 31 de mai deth 2019 deth Conselh Electoral Provincial de Lhèida, que publique es resultats corresponenti ara proclamacion d'elegidi publicadi en *Diari Oficiau dera Generalitat de Catalonha*, es resultats des eleccions ath Conselh Generau d'Aran deth 26 de mai deth 2019 sigueren es següenti:

Tablèu 1. Resultats electoraus des eleccions ath Conselh Generau d'Aran deth 26 de mai deth 2019

Candidatura	Resultats electoraus	Vòts computables	Conselhèrs
Unitat d'Aran – Partit dels Socialistes de Catalunya – Candidatura de Progrés (UA-PSC-CP)	2.527	2.527	9
Convergència Democràtica Aranosa – Partit Nacionalista Aranés (CDA-PNA)	1.523	1.224	4
Aran Amassa	552	-	-
Unidas Podemos	164	-	-
Ciudadans – Partido de la Ciudadanía	116	-	-
Partit Renovador Arties-Garòs	97	-	-
Vòts en blanc e nulli	171	-	-
Totau	5.150	3.751	13

Hònt: Elaboracion pròpria a compdar der Edicte deth 31 de mai deth 2019 deth Conselh Electoral Provincial de Lhèida.

2.3. SUBVENCIONS ELECTORAUS

2.3.1. Montant maximau dera subvencion

Eth Decrèt 75/2019, deth 26 de març, establís es normes següentes entà determinar era subvencion corresponenta as despenses electoraus:

- Un montant de 291,84 € per cada conselhèr o conselhèra elegida.
- Un montant de 0,58 € per vòt arthenhut per cada formacion politica enes circoscripcions electoraus a on au mens un membre age estat proclamat conselhèr o conselhèra.

- Un montant de 0,23€ per cada elector d'ua circoscripcion electorau a on era formacion politica age arrenhut un conselhèr o conselhèra elegit/da, pes despenses originades pera remesa dirècta e personau as electors des envolòpes e es bulletins electoraus, o de propaganda e publicitat electorau (d'ara tà deuant remesa electorau), cada viatge qu'era formacion politica age presentat listes en totes es circoscripcions deth territòri d'Aran.

D'acòrd damb era norma electorau, eth montant des despenses entà remeses electoraus qu'era subvencion a percèber non corbisque aumentarà, a toti es efèctes, es despenses declarades pera activitat ordinària.

En tot aplicar aquestes regles es montants maximals des subvencions electoraus sigueren es següenti:

Tablèu 2. Montants maximals des subvencions electoraus

Formacion politica	Per conselhèr (A)	Per vòts (B)	Per remesa electorau (C)	Totau (A+B+C)
UA-PSC-CP	2.626,56	1.465,66	1.636,68	5.728,90
CDA-PNA	1.167,36	709,92	1.415,19	3.292,47
Totau	3.793,92	2.175,58	3.051,87	9.021,37

Montants en èuros.

Hònt: Elaboracion pròpria.

En calcul dera subvencion per vòts non se calculen es obtengudi per aqueres formacions politiquas que non an obtengut representacion. Es formacions Aran Amassa, Unidas Podemos, Ciudadans – Partido de la Ciudadanía e Partit Renovador Arties-Garòs non an dret a subvencion pr'amor que non obtengueren representacion.

Es formacions Unitat d'Aran – Partit dels Socialistes de Catalunya – Candidatura de Progrés (UA-PSC-CP) e Convergència Democràtica Aranés – Partit Nacionalista Aranés (CDA-PNA) an dret a recèber subvencion pera remesa electorau per çò que presentèren listes en totes es circoscripcions dera Val d'Aran, ei a díder, enes sies terçons.

2.3.2. Auançament des subvencions

Eth Decrèt 75/2019, deth 26 de març, establís qu'eth Departament d'Accion Exteriora, Relacions Institucionaus e Transparéncia (DAERIT) pòt concedir auançaments as partits politics, federacions, coalicions o agrupacions coma acompte des subvencions que les corresponen pes despenses electoraus qu'agen agut.

Eth montant d'aguesti auançaments non pot èster superior ath 30% dera subvencion que percebec eth madeish partit, federacion, coalicion o agrupacion enes eleccions ath Conselh Generau d'Aran der an 2015.

Solament eth partit politic CDA-PNA sollicitèc, laguens deth tèrme establít, era concession

der auançament deth 30%, per 1.436,72 €. Eth 17 de mai deth 2019, eth secretari de Transparència e Govern Dubèrt deth DAERIT resolvec autorizar eth pagament d'aguest auançament.

Eth decret nomenat tanben establís que, laguens deth tèrme de trenta dies naturaus posteriors ara presentacion dera compdabilitat deuant dera Sindicatura de Compdes, eth DAERIT deu dictar era resolucion d'autrejamet dera subvencion electorau e deu pagar as formacions politiquas que les agen de percéber un auançament deth 90% deth montant des subvencions que les corresponen d'acòrd damb es resultats generaus des escrutinhs publicadi en *Diari Oficial de la Generalitat de Catalunya* en tot descompdar, se cau, es auançaments autrejadi prealablement.

Es montants dera subvencion electorau maximau e des auançament calculadi peth DAERIT sigueren es següenti:

Tablèu 3. Auançament des subvencions electoraus

Formacion politica	Subvencion maximala (A)	Auançament 90% (B)	Auançament 30% (C)	Totau (B-C)
UA-PSC-CP	5.728,90	5.156,01	-	5.156,01
CDA-PNA	3.292,47	2.963,22	1.436,72	1.526,50
Totau	9.021,37	8.119,23	1.436,72	6.682,51

Montants en èuros.

Hònt: Elaboracion pròpria.

Er article 5.3 deth Decrèt 75/2019, deth 26 de març, establís que, entà poder percéber er auançament deth 90%, es formacions politiquas deuen presentar era certificacion qu'acredite qu'es elegidi an aquerit era condicion plea de membres deth Conselh Generau d'Aran e der exercici efectiu deth cargue, e presentar un aval bancari deth 10% der auançament dera subvencion autrejada o ben sollicitar era retencion dera part corresponenta deth montant dera subvencion.

Eth DAERIT notifiqèc era resolucion d'autrejamet dera subvencion electorau e de pagament der auançament deth 90% tàs dues formacions politiquas damb dret a perceber-la laguens deth tèrme de trenta dies posteriors ara presentacion dera compdabilitat establít per article 133.4 dera LOREG.

A data de finalizacion deth trabalh de camp, 28 d'octubre deth 2019, era formacion UA-PSC-CP auie presentat era documentacion corresponenta e eth DAERIT tramitaue eth pagament der auançament deth 90%. Era formacion politica CDA-PNA auie pendent de hèr apòrt dera documentacion de besonh entà poder percéber er auançament.

Totes dues formacions sollicitèren era retencion deth 10% der auançament dera subvencion autrejada que serà entrada a nòm de cada formacion ena Caixa Generau de Depausi dera Generalitat, per 515,60 € e 296,32 €, respectivament.

Eth crubament d'aguest auançament non figure enes compdabilitats electoraus analizades, per çò qu'ei posterior ara presentacion des compdes electoraus deuant dera Sindicatura.

2.4. DESPENSES ELECTORAUS

2.4.1. Limit de despenses entà operacions ordinàries e remesa electorau subvencionable

Eth Decrèt 75/2019, deth 26 de març, establís qu'enes eleccions ath Conselh Generau d'Aran cap partit, federacion, coalicion o agrupacion d'electors pòt despassar, entà despenses electoraus, eth limit que resulte de multiplicar per 0,22 € eth nombre d'abitants de poblacion de dret des circoscripcions electoraus a on presenten candidatures e qu'aguesta quantitat pòt aumentar en rason de 1.702,59 € tà cada circoscripcion a on presenten candidatures.

Era quantitat subvencionada que correspon ara remesa electorau non s'includís laguens d'aguest limit. Maugrat açò, se deu justificar era realizacion efectiva dera activitat pera quau s'autrege era subvencion.

Entath compliment deth limit de despenses ordinàries establides pera LOREG, es despenses de remesa electorau non subvencionables se deuen ahíger as despenses ordinàries justificades pes formacions politiques.

D'acòrd damb aguesta norma, eth limit de despenses electoraus ei eth següent:

Tablèu 4. Limit de despenses electoraus ordinàries

Formacion politica	Poblacion de dret (A)	Èuros per abitant (B)	Montant (C=A×B)	Circoscripcions			Limit despenses ordinàries (G=C+F)	Limit despenses remesa electorau subvencionables (H)	Limit totau (E=G+H)
				Nombre (D)	Èuros/unitat (E)	Montant (F=D×E)			
UA-PSC-CP	9.983	0,22	2.196,26	6	1.702,59	10.215,54	12.411,80	1.636,68	14.048,48
CDA-PNA	9.983	0,22	2.196,26	6	1.702,59	10.215,54	12.411,80	1.415,19	13.826,99
Totau	-	-	4.392,52	-	-	20.431,08	24.823,60	3.051,87	27.875,47

Montants en èuros.

Hònt: Elaboracion pròpria.

2.4.2. Sublimits de despenses ordinàries

Es articles 55 e 58 dera LOREG establissen dus sublimits addicionaus laguens des despenses ordinàries:

- Es despenses en publicitat exteriora (cartèus, banderòles e pancartes) non pòden excedir eth 20% deth limit maximau de despenses ordinàries, ei a díder 2.482,36 € per cada formacion politica.
- Es despenses en publicitat en premsa periodica e emissores de ràdio de titularitat privada non pòden despassar eth 20% deth limit maximau de despenses ordinàries, ei a díder 2.482,36 € per cada formacion politica.

2.5. REGULARITAT DES COMPDABILITATS ELECTORAUS

Cosset damb er article 133.1 dera LOREG, es formacions politiquas que complisquen es requisits exigidi entà percéber es subvencions electoraus (veiguetz eth tablèu 2), o que n'agen sollicitat auançaments damb cargue d'eres, deuen presentar deuant dera Sindicatura de Compdes era compdabilitat electorau entre es cent e cent vint-e-cinc dies posteriors as eleccions.

Totes es formacions politiquas qu'enes eleccions deth 2019 an obtengut representacion ath Conselh Generau d'Aran an presentat era compdabilitat electorau per mejan dera sedença electrònica dera Sindicatura de Compdes, laguens deth tèrme nomenat, d'acòrd damb çò qu'establís era Instruccion entà contrarotlar era compdabilitat electorau.

Enes apartats següenti se mòstren, entà cada formacion politica, es tablèus-resumit des aspèctes mès significatius dera activitat economica derivada dera campanha electorau, se detalhen es deficiències e irregularitats observades e, se cau, s'includís era prepausa de reduccion dera subvencion prevista en article 134.2 dera LOREG.

2.5.1. Unitat d'Aran – Partit dels Socialistes de Catalunya – Candidatura de Progrés

Es donades facilitades pera coalicion politica Unitat d'Aran – Partit dels Socialistes de Catalunya – Candidatura de Progrés son es següentes:

Tablèu 5. Origina des recorsi declaradi

Concèpte	Montant
Apòrts de personas fisiquas o juridiquas	-
Operacions d'endeutament	-
Auançaments dera Administracion	-
Apòrts deth partit	12.329,44
Entrades financèras	-
Totaus recorsi declaradi	12.329,44

Montants en èuros.

Hònt: Unitat d'Aran – Partit dels Socialistes de Catalunya – Candidatura de Progrés.

Tablèu 6. Despenses per operacions ordinàries

Concèpte	Montant
(A) Despenses declarades	12.329,44
(B) Despenses non subvencionables	3.703,94
(C) Despenses per remesa electorau justificada non corbides pera subvencion	-
Totaus despenses electoraus ordinàries justificades (A+B+C)	8.625,50

Montants en èuros.

Hònt: Elaboracion pròpria.

Tablèu 7. Despenses per remesa electorau

Concèpte	Montant
(A) Despenses declarades	-
(B) Despenses non subvencionables	-
Totaus despenses electoraus per remesa electorau (A-B)	-
Subvencion teorica tà recéber	1.636,68
Subvencion maximau tà recéber segons remesa electorau realizada	-
Despenses per remesa electorau justificada non corbides pera subvencion	-

Montants en èuros.

Hònt: Elaboracion pròpria.

Tablèu 8. Limits de despenses deth procès electorau

Concèpte	Montant/situacion
Limit maximau de despenses ordinàries	12.411,80
Despenses a considerar ar efècte deth limit maximau de despenses	8.625,50
Excès en limit de despenses ordinàries	Non
Limit de despenses de publicitat exteriora (article 55 dera LOREG)	2.482,36
Despenses a considerar ar efècte deth limit	-
Excès en limit de despenses de publicitat exteriora	Non
Limit de despenses de publicitat en premsa e ràdio (article 58 dera LOREG)	2.482,36
Despenses a considerar ar efècte deth limit	-
Excès en limit de despenses de publicitat en premsa e ràdio	Non

Montants en èuros.

Hònt: Elaboracion pròpria.

Tablèu 9. Tresoreria

Concèpte	Montant/situacion
Compde bancari electorau	Òc
Hons non entradi en compde electorau	Non
Pagaments realizadi dehòra deth compde electorau	Non
Saldes de tresoreria	0,00
Deute damb proveïdors	Non
Provision per interèssi financèrs	N/a

Montants en èuros.

Hònt: Elaboracion pròpria.

N/a: Non aplicable.

Verificacions formaus

Era compdabilitat electorau corresponenta as eleccions ath Conselh Generau d'Aran der an 2019 siguec manada, per mejan dera sedença electronica dera Sindicatura de Compdes,

eth 25 de seteme deth 2019, d'acòrd damb era Instruccion entà contrarotlar era compdabilitat electorau e laguens deth tèrme legaument establìt. Ei corrèctament formalizada e presente coerència intèrna.

Origina des recorsi declaradi

Er apòrt realizat dempús dera tresoreria ordinària deth partit ath compde electorau a estat contrastat damb çò que figure en certificat signat peth secretari de finances e administrador generau dera candidatura, que declare que se transferiren 12.393,76 € deth compde ordinari deth partit ath compde electorau e que posteriorament se retornèren ath compde ordinari deth partit 64,32 €, d'a on resultèc un apòrt net de 12.329,44 €.

Despenses per apòrts ordinaris

Es despenses ordinàries corresponen as categories der article 130 dera LOREG: propaganda e publicitat, despenses de desplaçament e totes aqueres que siguen necessàries entara organizacion e foncionament des burèus e servicis que calgue entàs eleccions.

Eth montant totau des despenses electoraus ordinàries declarades ei de 12.329,44 €.

Era Sindicatura a detectat que determinades despenses declarades pera formacion UA-PSC-CP, per 3.703,94 €, non èren sufisentament justificades, per çò qu'es factures presentades non indicauen exprèssament que corresponessen as eleccions ath Conselh Generau d'Aran. Eth montant totau des despenses electoraus ordinàries justificades e subvencionables ei de 8.625,50 €, que non despasse eth limit maximau de despenses ordinàries establides ena norma electorau.

Eth limit de despesa de publicitat exteriora e de publicitat en premsa periodica e emissores de ràdio de titularitat privada, de 2.482,36 €, non a estat despassat, per çò qu'era formacion non a declarat despenses per aguesti concèptes.

Despenses per remesa electorau

Era formacion politica UA-PSC-CP declare que non a realizat manaments dirèctes e personaus de remeses electoraus, e per açò non a eth dret a recéber cap subvencion per aguest concèpte.

Tresoreria

Es despenses electoraus an estat pagades laguens des nauanta dies establidi per article 125.3 dera LOREG per mejan deth compde corrent electorau.

Informacion de proveïdors

Cosset damb er article 133.5 dera LOREG, es empreses qu'agen facturats més de 10.000€ en concèpte de despenses electoraus ac deuen comunicar ar organ de contraròtle extèrn. Non i a cap proveïdor qu'age despessat aquest montant.

Prepauza

D'acòrd damb eth resultat deth trabalh realizat, e en tot tier en compde era Instruccion entà contrarotlar era comptabilitat electorau aprovada per acòrd deth Plen dera Sindicatura de Compdes, aquesta institucion non hè cap prepauza de reduccion dera subvencion electorau o de non adjudicacion prevista en article 134.2 dera LOREG.

Era subvencion que deu recéber era formacion politica se deu ajustar ara despesa justificada, cosset damb article 127.1 dera LOREG, segons eth calcul següent:

Tablèu 10. Subvencion a recéber

Subvencion	Subvencion teorica	Despenses justificades	Subvencion que correspon
Per resultats electoraus	4.092,22	8.625,50	4.092,22
Per remesa electorau	1.636,68	-	-
Totau	5.728,90	8.625,50	4.092,22
Auançament dera Administracion dera Generalitat (30%)			-
Auançament dera Administracion dera Generalitat (90%)			-
Totau pendent			4.092,22

Montants en èuros.

Hònt: Elaboracion pròpia.

2.5.2. Convergència Democràtica Aranesa – Partit Nacionalista Aranés

Es donades facilitades pera coalicion politica Convergència Democràtica Aranesa – Partit Nacionalista Aranés son es següentes:

Tablèu 11. Origina des recorsi declaradi

Concèpte	Montant
Apòrts de persones fisiques o juridiques	-
Operacions d'endeutament	-
Auançaments dera Administracion	1.436,72
Apòrts deth partit	10.663,28
Entrades financèras	-
Totaus recorsi declaradi	12.100,00

Montants en èuros.

Hònt: Elaboracion pròpia.

Tablèu 12. Despenses per operacions ordinàries

Concèpte	Montant
(A) Despenses declarades	7.006,50
(B) Despenses non subvencionables	-
(C) Despenses per remesa electorau justificada non corbides pera subvencion	3.037,28
Totaus despenses electoraus ordinàries justificades (A+B+C)	10.043,78

Montants en èuros.

Hònt: Elaboracion pròpria.

Tablèu 13. Despenses per remesa electorau

Concèpte	Montant
(A) Despenses declarades	4.501,20
(B) Despenses non subvencionables	49,42
Totaus despenses electoraus per remesa electorau (A-B)	4.451,78
Subvencion teorica maximala a recéber	1.415,19
Subvencion maximala a recéber segons remesa electorau realizada	1.414,50
Despenses per remesa electorau justificada non corbides pera subvencion	3.037,28

Montants en èuros.

Hònt: Elaboracion pròpria.

Tablèu 14. Limits de despenses deth procès electorau

Concèpte	Montant/situacion
Limit maximau de despenses ordinàries	12.411,80
Despenses a considerar ar efècte deth limit maximau de despenses	10.043,78
Excès en limit de despenses ordinàries	Non
Limit de despenses de publicitat exteriora (article 55 dera LOREG)	2.482,36
Despenses a considerar ar efècte deth limit	942,59
Excès en limit de despenses de publicitat exteriora	Non
Limit de despenses de publicitat en premsa e ràdio (article 58 dera LOREG)	2.482,36
Despenses a considerar ar efècte deth limit	-
Excès en limit de despenses de publicitat en premsa e ràdio	Non

Montants en èuros.

Hònt: Elaboracion pròpria.

Tablèu 15. Tresoreria

Concèpte	Montant/situacion
Compde bancari electorau	Òc
Hons non entradi en compde electorau	Non
Pagaments realizadi dehòra deth compde electorau	Non
Saldes de tresoreria	0,00
Deute damb proveïdors	Non
Provision per interèssi financèrs	N/a

Montants en èuros.

Hònt: Elaboracion pròpria.

N/a: Non aplicabla.

Verificacions formaus

Era comptabilitat electorau corresponenta as eleccions ath Conselh Generau d'Aran der an 2019 siguec manada, per mejan dera sedença electronica dera Sindicatura de Compdes, eth 26 de seteme deth 2019, d'acòrd damb era Instruccion entà contrarotlar era comptabilitat electorau e laguens deth tèrme legauement establít. Ei corrèctament formalizada e presente coerència intèrna.

Origina des recorsi declaradi

Es apòrts realizadi dempús dera tresoreria ordinària deth partit as compdes electoraus per 12.100,00€ an estat contrastadi damb es que figuren en certificat signat per administrador deth partit. En aquest certificat er administrador declare qu'eth montant aportat peth partit includís 1.436,72€ en concèpte d'auançament deth 30% dera subvencion electorau, que siguec entrada iniciaument en compde ordinari deth partit.

Despenses per operacions ordinàries

Es despenses ordinàries corresponen as categories der article 130 dera LOREG: propaganda e publicitat, despenses de desplaçament e totes aqueres que siguen de besonh entara organizacion e foncionament des burèus e servicis que calgue entàs eleccions.

Eth montant des despenses electoraus ordinàries declarades ei de 7.006,50€, tàs quaus cau ahíger eth montant des despenses per remesa electorau non corbides pera subvencion de 3.037,28€. Alavetz, eth montant totau des despenses electoraus ordinàries justificades e subvencionables ei de 10.043,78€, que non despasse eth limit maximau de despenses ordinàries establít ena norma electorau.

Era formacion non a declarat despenses en publicitat exteriora mès ena revision dera documentacion justificativa aportada peth partit era Sindicatura a reclassat coma publicitat exteriora ua despena de 942,59€. Eth limit de despena de publicitat exteriora e de publicitat en premsa periodica e emissores de ràdio de titularitat privada, de 2.482,36€, non a estat despassat.

Despenses per remesa electorau

Es despenses declarades per remesa electorau corresponen a concèptes coma envòlpes e bulletins electoraus. Eth montant totau des despenses declarades per remesa electorau ei de 4.501,20€.

Era Sindicatura a detectat qu'eth nombre totau de manaments despasse eth nombre d'electors en dus des sies terçons. Eth nombre totau siguèc de 7.195, superior ath recensament electorau, qu'ei de 7.116. Atau, er excès de manaments ei d'un 1,1% per dessús deth nombre totau de manaments. Era quantificacion d'aquest excès ei de 49,42€, que se considèra non subvencionable.

Era despesa per remesa electorau de 4.451,78 € despassa en 3.037,28 € eth montant dera subvencion maximala a recéber per aquest concèpte segons es remeses reaus efectuades. Eth montant des despeses justificades per remeses electoraus qu'era subvencion a percéber non corbisque augmente es despeses declarades pera activitat electorau ordinària, tau coma s'explique en apartat 2.3.1.

Era factura justificativa dera remesa electorau emetuda peth proveïdor e acceptada pera formacion politica non detalhe es prètzis unitaris des servicis facturadi, çò que non acomplís damb era norma generau pera liurason de factures regulades en Reiau decret 1619/2012, deth 30 de noveme, deth Reglament de facturacion.

Tresoreria

Es despeses electoraus an estat pagades laguens des nauanta dies establidi per article 125.3 dera LOREG e per mejan deth compde corrent electorau.

Era Sindicatura a detectat, en compde electorau, un pagament de 500,00 € d'ua despesa ordinària deth partit, qu'a estat reintegrat posteriorament.

Er auançament deth 30% dera subvencion electorau per 1.436,72 € siguec entrada inicialment en compde ordinari deth partit. Posteriorament eth partit transferic eth montant dera subvencion ath compde electorau.

Aguesti dus hèts non acomplissen er article 125.1 dera LOREG, per çò que toti es hons destinadi ath pagament de despeses electoraus deuen èster entradi en compde electorau e totes es despeses electoraus se deuen pagar dempús deth compde electorau.

Informacion de proveïdors

Cosent damb er article 133.5 dera LOREG, es empreses qu'agen facturats mès de 10.000 € en concèpte de despeses electoraus ac deuen comunicar ar organ de contraròtle extèrn. Non i a cap proveïdor qu'age despassat aquest montant.

Prepauza

D'acòrd damb eth resultat deth trabalh realizat, e en tot tier en compde era Instruccion entà contrarotlar era comptabilitat electorau aprovada per acòrd deth Plen dera Sindicatura de Compdes, aquesta institucion non hè cap prepauza de reduccion dera subvencion electorau ne de non adjudicacion coma preve er article 134.2 dera LOREG.

Era subvencion que deu recéber era formacion politica se deu ajustar ara despesa justificada d'acòrd damb er article 127.1 dera LOREG, segons eth calcul següent:

Tablèu 16. Subvencion a recéber

Subvencion	Subvencion teorica	Despenses justificades	Subvencion que correspon
Per resultats electoraus	1.877,28	10.043,78	1.877,28
Per remesa electorau	1.414,50	1.414,50	1.414,50
Totau	3.291,78	11.458,28	3.291,78
Auançament dera Administracion dera Generalitat (30%)			1.436,72
Auançament dera Administracion dera Generalitat (90%)			-
Totau pendent			1.855,06

Montants en èuros.

Hònt: Elaboracion pròpria.

2.6. SUBVENCIONS AS ELECCIONS ATH CONSELH GENERAU D'ARAN DETH 24 DE MAI DETH 2015

Eth rapòrt 29/2015 dera Sindicatura de Compdes, relatiu as eleccions ath Conselh Generau d'Aran der 2015, siguec confirmat pera Resolucion 140/XI deth Parlament de Catalonha, deth 19 de mai deth 2016.

Eth 20 de junhsèga deth 2016 era conselheira deth Departament de Governacion, Administracions Publicas e Abitatge resolvec efectuar eth pagament des subvencions pendentes de pagament as formacions politicas CDA-PNA, UA-PSC-CP e PRAG.

2.7. EVOLUCION DES DESPENSES ELECTORAUS E DES SUBVENCIONS DES ANS 2011, 2015 E 2019

En tablèu següent se detalhe era evolucion des despenses electoraus declarades per cada formacion politica damb representacion ath Conselh Generau d'Aran enes procèssi electoraus deth 22 de mai deth 2011, deth 24 de mai deth 2015 e deth 26 de mai deth 2019.

Tablèu 17. Evolucion des despenses electoraus declarades des ans 2011, 2015 e 2019

Formacion politica	Eleccions deth 22 de mai deth 2011	Eleccions deth 24 de mai deth 2015	Eleccions deth 26 de mai deth 2019
CDA-PNA	12.511,75	9.184,25	11.507,70
UA-PSC-CP*	12.513,49	10.240,93	12.329,44
PRAG	1.193,93	305,88	-
Totau	26.219,17	19.731,06	23.837,14

Montants en èuros.

Hònt: Elaboracion pròpria a compdar des rapòrts de fiscalizacion realizadi pera Sindicatura de Compdes.

* Era coalicion UA-PSC-CP se presentèc as eleccions deth 2015 e deth 2019, e era coalicion UA-PM-PSC se presentèc as eleccions deth 2011.

En tablèu següent se detalhe era evolució des subvencions electoraus recebudes pes formacions politiquas enes darrèri procèssi electoraus.

Tablèu 18. Evolució des subvencions electoraus des ans 2011, 2015 e 2019

Formacion politica	Eleccions deth 22 de mai deth 2011	Eleccions deth 24 de mai deth 2015	Eleccions deth 26 de mai deth 2019
CDA-PNA	3.328,16	4.789,05	3.291,78
UA-PSC-CP*	2.444,04	2.561,20	4.092,22
PRAG	366,66	305,88	-
Totau	6.138,86	7.656,13	7.384,00

Montants en èuros.

Hònt: Elaboracion pròpia.

* Era coalicion UA-PSC-CP se presentèt as eleccions deth 2015 e deth 2019, e era coalicion UA-PM-PSC se presentèt tàs eleccions deth 2011.

3. CONCLUSIONS

Totes es formacions politiquas qu'an era obligacion de hè'c an presentat era comptabilitat electorau ara Sindicatura de Compdes laguens deth tèrme establìt.

Totes es formacions politiquas an complit eth limit generau maximau de despesa electorau e es sublimitats de publicitat establìdi enes articles 55 e 58 dera LOREG.

D'acòrd damb er objècte, era portada e era metodologia utilizada en aquest rapòrt, detalhadi ena introduccion, era Sindicatura de Compdes prepausa que non s'aplique cap reduccion ne cap non adjudicacion dera subvencion electorau prevista ena norma electorau.

3.1. OBSERVACIONS

Seguidament se descriuen es observacions mès significativas que s'an constatat en trabalh de fiscalizacion dera comptabilitat electorau:

1. Ara data de finalizacion deth trabalh de camp, 28 d'octubre deth 2019, eth DAERIT auie emetut es resolucions d'autrejamet de subvencion e de pagament der auançament deth 90% laguens deth tèrme de trenta dies posteriors ara presentacion dera comptabilitat electorau establìt en article 133.4 dera LOREG.

Ei requisit prealable ara remesa der auançament qu'es formacions politiquas presenten

un aval e un certificat que acredite que es elegidi an aquerit era condicion plea de membres del Conselh Generau d'Aran e que exercissen eth cargue.

Atau, en moment dera finalizacion deth trabalh de camp era formacion UA-PSC-CP auie presentat era documentacion corresponenta e eth DAERIT ère a tramitar eth pagament der auançament deth 90%. Era formacion politica CDA-PNA auie pendent de hèr apòrt dera documentacion requerida (veiguetz er apartat 2.3.2).

2. Era formacion UA-PSC-CP presentèc factures per 3.703,94 € qu'era Sindicatura a considerat non subvencionables, per çò qu'èren justificades de forma insufisenta pr'amor que non indicauen exprèssament que corresponien as eleccions ath Conselh Generau d'Aran (veiguetz er apartat 2.5.1)
3. Era formacion CDA-PNA a despasat eth nombre totau de manaments per remesa electorau en relacion damb eth nombre d'electors en dus des sies terçons. Aquest excès de manaments represente eth 1,1% sus eth nombre totau de manaments. Alavetz, eth montant excedit non subvencionable ei de 49,42 € (veiguetz er apartat 2.5.2).
4. Ua des factures presentades pera formacion CDA-PNA non includís eth detalh des prètzis unitaris des servicis facturadi per remesa electorau e, donques, non complís un des requisits establidi ena norma generau entara liurason de factures, regulada en Reiau decret 1619/2012, deth 30 de noveme, deth Reglament de facturacion (veiguetz er apartat 2.5.2).
5. En compde electorau dera formacion CDA-PNA, era Sindicatura a detectat un pagament de 500,00 € d'ua despensa ordinària deth partit, que posteriorament a estat entrada en compde electorau

Er auançament deth 30% dera subvencion electorau de 1.436,72 € siguec entrat iniciaument en compde ordinari deth partit. Posteriorament eth partit transferic eth montant dera subvencion ath compde electorau dera formacion CDA-PNA.

Aguesti dus hèts non acomplissen er article 125.1 dera LOREG, per çò que toti es hons destinadi ath pagament de despenses electoraus deuen èster entradi en compde electorau e totes es despenses electoraus se deuen pagar dempús deth compde electorau (veiguetz er apartat 2.5.2).

3.2. RECOMANACION

Seguidament s'includís ua recomanacion ja exprimida enes rapòrts anteriors.

Eth legislador deuerie precisar es concèptes, era imputacion e era justificacion des despenses electoraus incluides en article 130 dera LOREG e especificar damb eth major detalh possible es despenses electoraus pera remesa d'envolòpes e bulletins de propaganda electorau.

4. TRAMIT D'ALLEGACIONS

D'acòrd damb era norma en vigor, eth projècte de rapòrt de fiscalizacion siguec manat as destinataris següenti: Departament d'Accion Exteriora, Relacions Institucionaus e Transparència, Convergència Democràtica Aranosa – Partit Nacionalista Aranés e Unitat d'Aran – Partit dels Socialistes de Catalunya – Candidatura de Progrés, eth 21 de noveme deth 2019 entà complir damb eth tramit d'allegacions.

4.1. ALLEGACIONS RECEBUDES

Es escrits d'allegacions presentadi pes diuèrsi destinataris ara Sindicatura de Compdes se reprodussissen seguidament.¹

Unitat d'Aran– Partit dels Socialistes de Catalunya – Candidatura de Progrés

Unitat d'Aran
UA

Antonio Arturo Calbetó Calbetó provedit de DNI [...], Coma Administrador dera candidatura Unitat D'Aran partit nacionalista Aranés,

COMUNIQUE:

Ara Sindicatura de Compdes de Catalonha que non presentarà cap allegacion ath rapòrt preliminar relatiu as eleccions ath Conselh Generau d'Aran deth mes de mai de 2019.

Vielha, 28 de noveme de 2019

Signat;
Antonio Arturo Calbetó Calbetó

1. Es escrits originaus èren redigidi en catalan. Aciu figuren reviradi ar aranés.

Convergència Democràtica Aranesa – Partit Nacionalista Aranés

Cda
convergència aranesa PNA

Sindicatura de Compdes
Via Laietana, 60
08003 Barcelona

Joan Casasayas Abadal, damb DNI [...], coma Administrador Electoral deth Partit Convergència Democràtica Aranesa – Partit Nacionalista Aranés (CDA-PNA) damb CIF G25358094 e domicili per notificacions en Plaça Còto Março, 5, baishi – Apartat de Corrèus 127, 25530 Vielha.

EXPAUSE

Que en relacion ath rapòrt de fiscalizacion dera Sindicatura de Compdes corresponent as Eleccions ath Conselh Generau d’Aran der an 2019, per part deth partit Convergència Democràtica Aranesa – PNA, non se presente cap allegacion ath nomenat rapòrt.

Cordiaument,

Joan Casasayas Abadal
Administrador Electoral

Vielha, 2 de deseme de 2019

Departament d’Accion Exteriora, Relacions Institucionaus e Transparéncia

**Generalitat
De Catalonha**
Eth conselhèr d’Accion Exteriora,
Relacions Institucionaus e Transparéncia

Alfred Bosch i Pascual

E. Sr. Jaume Amat i Reyero
Síndic Major
Sindicatura de Compdes de Catalonha
Via Laietana 60
08003 Barcelona

Planvolut Síndic,

En relacion damb eth projècte de rapòrt de fiscalizacion num. 36/2019-G corresponent as Eleccions ath Conselh Generau d’Aran der an 2019, vos envii era informacion

que mos an facilitat dempús dera Direccion Generau de Participacion Ciutadana.

Demori qu'aguesta resposta sigue satisfasenta e rèsti, coma tostemp, ara vòsta disposicion.

Cordiaument,

Alfred Bosch i Pascual
Conselhèr d'Accion Exteriora,
Relacions institucionaus e
Transparéncia

Barcelona, 2 de deseme de 2019

Generalitat de Catalonha
Departament d'Accion Exteriora,
Relacions Institucionaus e Transparéncia
Direccion Generau de Participacion Ciutadana
Airau de Procèssi Electoraus e Consultes Populares

**RAPÒRT D'ALLEGACIONS ATH PROJÈCTE DE RAPÒRT DE FISCALIZACION
NUM. 36/2019-G SUS ES ELECCIONS ATH CONSELH GENERAU D'ARAN 2019**

Era letra deth Síndic Major, Sr. Jaume Amat i Reyeró, ar Aunorable Conselhèr d'Accion Exteriora, Relacions Institucionaus e Transparéncia, Sr. Alfred Bosch i Pascual, de 21 de novembre de 2019, demanaue presentar es allegacions apertientes ath projècte de rapòrt de fiscalizacion num. 36/2019-G corresponent as Eleccions ath Conselh Generau d'Aran 2019. Eth present rapòrt, elaborat pera Direccion Generau de Participacion Ciutadana, da era resposta següenta:

Cosset damb er article 38.3 dera Lei 18/2010, de 7 de junh, dera Sindicatura de Compdes, e vist que non existís discordança entre es montants que figuren en Projècte de rapòrt a prepaus des eleccions ath Conselh Generau d'Aran 2019 (Ref. 36/2019-G), que mos auetz manat, e es chifres qu'a obtengut en calcul des subvencions electoraus era Subdireccion de Procèssi Electoraus e Democracia Dirècta deth Departament d'Accion Exteriora, Relacions Institucionaus e Transparéncia, vos comunicam que non estimam de besonh presentar allegacions.

Tanben, per çò des observacions e recomanacions der apartat de conclusions deth Projècte de rapòrt vos manifestam çò que seguís:

En çò que tanh ara observacion 3.1.1, paragraf tresau, eth projècte de rapòrt soslinhe qu'era formacion politica Convergéncia Democratica Aranésa – Partit Nacionalista Aranés auie pendent de hèr apòrt dera documentacion requerida peth pagament der

auançament deth 90% dera subvencion electorau. En data 22 de noveme se programèc er abonament d'aguest auançament deth 90%, per un montant de 1.526,50€, ara formacion.

En çò que tanh ara recomanacion 3.2, de son constat, soslinhe que cau definir e precisar milhor eth concèpte de despenses electoraus der article 130 dera LOREG.

Era Subdireccion Generau de Procèssi Electoraus e Democracia Dirècta ei d'acòrd damb eth besonh de regulacion, maugrat qu'açò supausarie modificacions ena norma electorau e de finançament de partits politics que deuerien èster aprovades peth legislador estatau.

Ismael Peña López

Eth director generau de
Participacion Ciutadana e Procèssi Electoraus

4.2. TRACTAMENT DES ALLEGACIONS

Es allegacions formulades an estat analisades e avalorades pera Sindicatura de Compdes. Eth tèxte deth projècte de rapòrt non s'a modificat pr'amor qu'enes escrits presentadi pes formacions politiques e peth Departament d'Accion Exteriora, Relacions Institucionaus e Transparència, aguesti manifèsten que non an cap allegacion a hèr.

